

AUGLÝSING

um umferð í Reykjavík.

Samkvæmt ályktun bæjarstjórnar Reykjavíkur hafa verið sett upp stöðvunarmerki samkvæmt 5. gr. B 13 í reglugerð um umferðarmerki o. fl. á eftirtöldum gatnamótum:

Miklubraut við Suðurlandsbraut.
 Grensásvegi við Miklubraut.
 Háaleitisvegi við Miklubraut.
 Seljalandsvegi við Miklubraut.
 Njarðargötu við Hringbraut.
 Hofsvallagötu við Hringbraut.
 Bræðraborgarstíg við Holtsgötu.
 Bræðraborgarstíg við Vesturgötu.
 Ægisgötu við Vesturgötu, norðan megin.
 Frakkastíg við Hverfisgötu, sunnan megin.
 Laugarnesvegi við Borgartún og Sundlaugaveg.
 Laugalæk við Sundlaugaveg.
 Njarðargötu við Laufásveg, norðan megin.
 Njarðargötu við Sóleyjargötu, norðan megin.
 Vonarstræti við Suðurgötu.

Þar sem sett hefur verið stöðvunarmerki, ber ökumanni skilyrðislaust að nema staðar. Þegar ekið er af stað aftur, er skylt að sýna ýrtruðu varúð og vikja fyrir umferð frá báðum hliðum, hvort sem um aðalbraut er að ræða eða ekki.

Þetta tilkynnist hér með öllum, sem hlut eiga að máli.

Lögreglustjórinn í Reykjavík, 30. nóvember 1959.

Sigurjón Sigurðsson.

- 189 Staðfesting forsetans á skipulagsskrá fyrir Minningarsjóð Eiríks Tómassonar
 4. des. frá Járngerðarstöðum í Grindavík, útgefin á venjulegan hátt að mandatum af dóms-
 málaráðherra 4. desember 1959.
 Skipulagsskráin er þannig:

SKIPULAGSSKRÁ

fyrir Minningarsjóð Eiríks Tómassonar frá Járngerðarstöðum í Grindavík.

1. gr.

Sjóðurinn heitir Minningarsjóður Eiríks Tómassonar frá Járngerðarstöðum í Grindavík.

2. gr.

Sjóðurinn er stofnaður af Sæmundi Tómassyni, Reykjavík, til minningar um Eirík bróður hans á sextugustu ártíð hans en hann var fæddur 8. desember 1898 á Járngerðarstöðum og dáinn þar hinn 2. september 1941. Stofnframlag er kr. 2500.00.

3. gr.

189

Sjóðurinn skal varðveitast í aðaldeild Söfnunarsjóðs Íslands og ávaxtast þar. 4. des.

4. gr.

Tilgangur sjóðsins er að efla og hvetja til áhuga og dugnaðar við sundnám í Unglingaskóla Grindavíkur. Skal í þessu skyni veita tvenn verðlaun, fyrstu og önnur, eftir mati prófdómara og skólastjóra, við sundpróf skólans og skal miðað við fermingarár nemenda. Gildir þetta jafnt fyrir stúlkur sem drengi. Skal árlega verja $\frac{1}{2}$ hluta ársvaxta af innstæðu sjóðsins í lok hvers reikningsárs. Hinn helmingurinn skal leggjast við höfuðstólinn.

5. gr.

Verðlaun skulu vera heiðursskjal, sem undirritað verði af skólastjóra og prófdómara við sundprófið, og peningaupphæð, sem takmarkast af hálfum vöxtum sjóðsins, og skiptist þannig, að fyrstu verðlaun verði $\frac{3}{5}$, en önnur $\frac{2}{5}$ af þeim hluta vaxta, sem úthlutað verður. Útborgun vaxta fer fram 1. marz árlega og skal tilkynna til Söfnunarsjóðs, ef notaðir verða til verðlauna

6. gr.

Tekjur sjóðsins verða: Vextir af höfuðstóli, eins og hann er á hverjum tíma, svo og gjafir eða áheit, sem honum kann að áskotnast.

7. gr.

Verðlaun skulu veitt í fyrsta sinn á yfirstandandi skólaári og afhendast við skólaslit.

8. gr.

Stjórn sjóðsins skipa: formaður skólanefndar, sem jafnframt sé formaður sjóðsstjórnar og skólastjóri unglingskóla Grindavíkur og formaður slysavarnadeildarinnar Þorbjörns í Grindavík. Stjórn sjóðsins sér um eignir sjóðsins, reikningshald og fjárreiður.

9. gr.

Viðskiptabók sjóðsins og skipulagsskrá skal vera í vörzlu sjóðstjórnar. Reikningsár sjóðsins er almanaksárið. Reikningar sjóðsins skulu endurskoðaðir árlega af tveim endurskoðendum tilnefndum af skólanefnd.

10. gr.

Á skipulagsskrá þessari skal leita staðfestingar forseta Íslands.

Reykjavík, 15. október 1959.

Sæmundur Tómasson.

190

10. des.

REGLUGERÐ

um breyting á reglugerð nr. 212 28. des. 1953, um skipan innflutnings- og gjaldeyrismála, fjárfestingarmála o. fl.

1. gr.

1. másl. 3. mgr. 17. gr. reglugerðarinnar orðist svo:

Skýrslur þær og skjöl, sem ræðir um í 1. málsgr. þessarar greinar, skulu afhentar svo tímanlega, að fram geti farið skoðun á vörunum, ef þörf krefur, áður en ferming þeirra á sér stað, og mega farmflytjendur ekki afhenda útflytjendum frumrit af farmskírteinum nema með leyfi tollstjóra.

2. gr.

Reglugerð þessi, sem sett er samkvæmt lögum nr. 88 24. des. 1953, um skipan innflutnings- og gjaldeyrismála, fjárfestingarmála o. fl., öðlast þegar gildi.

Viðskiptamálaráðuneytið, 10. desember 1959.

Gylfi Þ. Gíslason.

Yngvi Ólafsson.

191

11. des.

AUGLÝSING

um hækkun bóta samkvæmt lögum um atvinnuleysistryggingar.

Frá 1. janúar 1960 skulu grunnupphæðir bóta samkvæmt lögum nr. 29 7. apríl 1956 um atvinnuleysistryggingar, hækka um 15 af hundraði frá því sem verið hefur.

Samkvæmt þessu verður lágmark bótanna á dag svo sem hér segir: Fyrir einhleypan mann kr. 24.00, fyrir kvæntan mann kr. 30.00 og fyrir hvert barn allt að þremur kr. 6.00. Hámark bóta á dag verður sem hér greinir: Fyrir einhleypan mann kr. 52.00, fyrir kvæntan mann kr. 60.00 og fyrir hvert barn allt að þremur kr. 8.00.

Bótaupphæðir þessar eru grunnupphæðir miðaðar við núgildandi vísitölugrundvöll, sbr. lög nr. 1 30. janúar 1959, 5. gr.

Hækkun þessi er ákveðin til samræmingar við þær kauphækkningar, sem urðu á árinu 1958, samkvæmt heimild í 2. gr. laga nr. 4 20. jan. 1959, um breyting á lögum nr. 29 7. apríl 1956, um atvinnuleysistryggingar.

Félagsmálaráðuneytið, 11. desember 1959.

Emil Jónsson.

Hjálmar Vilhjálmsson.

Staðfesting forsetans á skipulagsskrá fyrir Minningarlund Jóns biskups Arasonar að Grýtu í Eyjafirði, útgefin á venjulegan hátt ad mandatum af dómsmálaráðherra 15. desember 1959. 15. des.

Skipulagsskráin er þannig:

SKIPULAGSSKRÁ

fyrir Minningarlund Jóns biskups Arasonar að Grýtu í Eyjafirði.

1. gr.

Lundurinn er sjálfseignarstofnun.

2. gr.

Eignir hans eru: Land að Grýtu um það bil 1 hektari að stærð, gefið árið 1950 af ekkjunni Rósu Jónasdóttur, auk þess fé, er lundinum kann að áskotnast með gjöfum eða opinberum tillögum. Lundurinn hefur verið girtur með vandaðri girðingu og gróðursett í hann um 10 þúsund trjáplöntur, mest birki, en jafnframt nokkuð af barrtrjám. Ætlunin er að auka í framtíðinni ræktun barrtrjána eftir því sem rúm verður til og skilyrði fyrir því batna.

3. gr.

Stjórn Minningarlundarins skipi 5 menn. Af þeim eru sjálfkjörnir: Sóknarprestur Munkaþverársóknar, oddviti Öngulsstaðahrepps og húsfreyjan á Grýtu. Auk þess skal einn maður vera skipaður af sýslunefnd Eyjafjarðarsýslu og einn af menntamálaráðuneytinu. Stjórnin skiptir með sér verkum.

4. gr.

Verksvið stjórnarinnar er:

- a. Að sjá um að girðingu sé ávallt vel við haldið, svo að hún sé örugg fyrir öllum ágangi búfjár.
- b. Að hafa eftirlit með trjágróðrinum í lundinum, láta planta nýjum trjám eða grisja eftir því sem þörf gerist, og sjá um að hann sé ávallt á hverjum tíma svo vel útlítandi sem frekast er kostur á.
- c. Að útvega lundinum rekstursfé eftir þeim leiðum, sem nefndin sér tiltækilegast á hverjum tíma, og sjá um allar fjárreiður hans.
- d. Nefndin skal semja á hverju ári reikning yfir tekjur og gjöld og allan efnahag lundsins, og skal hann vera endurskoðaður af mönnum, sem kosnir eru af hreppsnefnd Öngulsstaðahrepps.

5. gr.

Leita skal staðfestingar forseta Íslands á skipulagsskrá þessari.